

Alkitab Anggen Anak Alit

Dane Yeremia,
Nabi Ane Setata
Sedih



Kasurat olih: Edward Hughes

Kaperagayang olih: Jonathan Hay
Alastair Paterson

Ka tempa saking: Mary-Anne S.

Ka dwi aksarayang olih: Ni Luh Mastri Ayu Caerina;
Pdt I Gusti Made Alit Purya

Kakaryanin olih: Bible for Children
www.M1914.org


©2023 Bible for Children, Inc.

Perarem: Ida dane dados nerjemahang utawi nyalin carita puniki,
nanging nenten dados ke adol.




Dane Yeremia kekadang di salah tungalin keluarga imam di wewengkon Yehuda. Bapan danane Hilkia, dane ento salah tunggalin imam. Keluargan nyane magenah di kota Anatot, tusing ja joh uli Yerusalem. Mirib wong atuan dane Yeremia ngaden Yeremia masi lakar nadi Imam. Sakewala Ida Hyang Widi nentuang tusing keto.





Rikala dane Yeremia lekad, para kaulan Ida Sang Hyang Widi idupne sing nyak setinut teken sabdan Ida Sang Hyang Widi. Hampir makejang anake mabakti teken widi ane palsu di pura agung Bait Suci ngawit uli raja keto masih rakyatne makejang.




Sesubane dane
Yeremia truna, Ida
Sang Hanya Widi
masabda teken
Yeremia, “Ulun suba
nawang cening
setondene cening lekad,” Ida Sang Hyang Widi ngorahin
Yeremia. “Nah Ulun lakar nadiang cening juru raos Ulune.”



Pangandikan Ida Sang Hyang Widi ento ngranayang Yeremia takut. “Duh Ratu, Widin titiange!” dane matur sambilange ngeling. “Tiang niki tusing bisa ngomong, tur tiang kari muda!” Dane ngangken nu dadi anak cerik, yadiastu umur dane ne suba duang dasa tiban. Dane sing taen ngelah keneh lakar dadi juru raos Ida Sang Hyang

Widi, ngelawan makejang anake ane melaksana jaat ane ada di lingkunganne.





“Eda Ja cening jekeh,” Ida Sang Hyang Widi
nguatang Yeremia. “Majalan ja, kija je Ulun
ngutus cening. Raosang
ja sabdan Ulune.
Ulun lakar nyayubin
lan lakar
metiningin
cening.”

Lantas Ida
Sang Hyang Widi
ngalaksanayan paimdikan
ane ngangobin. Ida ngusud
bibih Yeremia.



Ida Sang Hyang Widi ngicen Yeremia kakuatan, kawanenan lan kawicaksanan. Dane wanen sajan ngomong, nuturin makejang anak-anake ane ada diilehanne, sujatine Ida Sang Hyang Widi tresna tur dot nulungin ia. Sakewala sing ada anak ane nyak madingehang, rajane masi sing ngidepang.



Keto masi para imam medihin dane lan ngorahin Yeremia apange ia suud ngomongan indik Ida Sang Hyang Widi. Ada masi nabi ane palsu ane ngorahang dane Yeremia anak ane mobab.



Dane Yeremia ngingetin anake ento, satus tiban ane suba lewat pemerintah Israel Dajanan suba ngutang Widine. Musuh-musuh ne, bangsa Asyur, ngalahan ia lan ke tawan angkuta ka panegara-panegara ane joh uli panegarane.






Ane jani bangsa Yehuda,
wewongkon ane
bedolodan masi sube
ngutang Widi. Prajurit
musuh ne sube di tengah
jalan! Apake Ida Sang
Hyang Widi ngicen
kaulan Idane kalah lan
lakar kaangkut ka
pengasingan.



Makejang anak ane percaya teken dewane. Apeke dewane nyidang nyelamatang ia uli musuh-musuhne? “Sing Nyidang” Tuah Ida Sang Hyang Widi ane nyidang ngerahayang bangsane ento. Makejang anake pedih pesan teken dane Yeremia. Lan ia ngelah rencana lakar ngematiang Yeremia. Sakewala Ida Sang Hyang widi metiningin kaulan Idane.



Pemuputne, Ida Sang Hyang Widi
ngicen prentah ane tawah ring
dane Yeremia. Ida Sang Hyang
Widi masabda, “Da ja cening buin
ngastawang bangsa ne ene, Ulun
tusing lakar madingehang ia
yadiastu ia ngesatawa sambilange
ngeling ngidih tulung.”



Dane Yeremia ngorahin rajane, ia lakar kalah meperang teken prajurit Babele. Rajane pedih pesan, lantas dane Yeremia celepange ka pangkenge. Yadiastu dane di pangkenge, dane tetep dogen khotbah lan precaya ring Ida Sang Hyang Widi.




Sesubane Yeremia pesu uli pangkenge, dane buin nartayang sabdan Ida Sang Hyang Widi teken rajane apange ia mebalik tur percaya ring Ida Sang Hyang Widi.

Ane jani sang raja nyelepang Yeremia masuk kepangkenge beten tanahe ane paling tengahe.



Sakewala Ida Sang Hyang Widi mekarya ring ati manah sang raja.
Ida Sang Hyang Widi nyelametang Yeremia, lan dane metaken ring
Ida Sang Hyang Widi ape ane patut kalaksanayang buat rajane.

“Kemo ja kapanangkaran, pangandikan Ida Hyang Widi, sang prabu
lakar idup,”
Keto
jawabanne.



Tentara bangsa Babel ngalahang Yerusalem
lan makejang penduduk Yehuda. Ia
ngebahan tembok-tembokne, umah-umahne
kauugang lan tunjele. Ida Sang Hyang Widi
ngandikayang bangsa Israel lakar dadi
tawanan di Babel pitung
dasa tiban mekelone.



Dane Yeremia, Nabi Ane Setata Sedih

Wenten katuturan carita saking pengandika Ida sang Hyang
widi mewasta Alkitab,

dados sobyahang ring

Yeremia

“Pemargin saking pengandika Ida Ngicenin Karahayuan.”

Mazmur 119:130



Puput



Carita ring Alkitab puniki nyaritayang indik Ida Hyang Widhi mahotama sane ngripta iragane tur sane mapikayun iraga nguningin Ida.

Ida Hyang Whidi uning iraga sampun melaksana sane iwang, sane kaucap antuk papa. Papongoran antuk jadmā sane melaksana papa inggih punika lepas utawi padem, sakewanten Ida Hyang Whidi dahat sutresna. Ida raris ngutus okan Idane sane meraga tunggal, sane mapesengan Ida Hyang Yesus Kristus, mangda Ida lepas ring taru Salib tur kapongor sangkaning kaiwangan iragane. Ida Hyang Yesus urip malih tur mantuk ka Suarga loka! Yening ragane pracaya indik Ida Hyang Yesus tur mapinunas mangda Ida ngicenin pangampura antuk keiwangan-kaiwangan iragane, Ida jagi nglaksanayang! Ida jagi rauh tur meneng ring sejeroning pareragan ragane sane mangkin, tur ragane jagi nyeneng sareng Ida ngantos riwekasan.

Yening ragane pracaya indik kepatutan punika, nikaang puniki ring Ida Hyang Widhi: Ida Hyang Yesus, tityang pracaya pareragan Idane sawiakti Ida Hyang Parama Kawi, nanging Ida nyeneng dados manusa sane lepas santukan nebasin kaiwangan iragane, tur sane mangkin Ida pacang urip malih. Dumogi Ida rauh ring kauripan iragane lan ngicen pangampura antuk keiwangan iraga makesami, sane ngawinang irage madue keuripan sane anyar tur buin pidan irage pacang meraga siki sareng Ida. Wantu tityang satinut sareng titah Idane tur idup daos pianak Ida, Amin.

Ngiring ngewacen Alkitab tur mapitatur sareng Ida Hyang Widhi ngerahina! Yohanes 3:16

